

VENDIM
Nr.1003, datë 2.7.2008

PËR DISA NDRYSHIME NË VENDIMIN NR.475, DATË 13.7.2007 TË KËSHILLIT TË
MINISTRAVE “PËR MIRATIMIN E STRUKTURËS DHE TË NIVELEVE TË PAGAVE
TË NËPUNËSVE CIVILË, ZËVENDËSMINISTRIT DHE NËPUNËSVE TË
KABINETEVE, NË KRYEMINISTRI, APARATET E MINISTRIVE TË LINJËS,
ADMINISTRATËS SË PRESIDENTIT, KUVENDIT DHE KOMISIONIT QENDROR TË
ZGJEDHJEVE”, TË NDRYSHUAR

Në mbështetje të nenit 100 të Kushtetutës, të nenit 18 të ligjit nr.8549, datë 11.11.1999 “Statusi i nëpunësit civil”, të nenit 5/1 të ligjit nr.8487, datë 13.5.1999 “Për kompetencat për caktimin e pagave të punës” dhe të ligjit nr.9836, datë 26.11.2007 “Për Buxhetin e Shtetit të vitit 2008”, të ndryshuar, me propozimin e Ministrit të Brendshëm dhe të Ministrit të Financave, Këshilli i Ministrave

VENDOSI:

Në vendimin nr.475, datë 13.7.2007 të Këshillit të Ministrave, të ndryshuar, të bëhen ndryshimet e mëposhtme:

a) Lidhja nr.1, që përmendet në pikën 1, zëvendësohet me lidhjen me të njëjtin numër, që i bashkëlidhet këtij vendimi dhe është pjesë përbërëse e tij.

b) Në pikën 2, vlera “10 050 lekë” zëvendësohet “11 000 lekë”.

c) Lidhja nr.3, që përmendet në pikën 8, zëvendësohet me lidhjen me të njëjtin numër dhe emërtim, që i bashkëlidhet këtij vendimi dhe është pjesë përbërëse e tij.

ç) Pika 9 ndryshohet si më poshtë vijon:

“9. Struktura dhe nivelet e pagave për zëvendësministrin dhe nëpunësit e kabineteve në Kryeministri, aparatet e ministrive të linjës, administratën e Presidentit, Kuvendit dhe Komisionit Qendror të Zgjedhjeve, përcaktohen si më poshtë vijon:

- Zëvendësministri 134 000 lekë;

- Drejtor i kabinetit të Kryeministrit, barazohet në pagë me nëpunësin civil, të kategorisë I-a;

- Këshilltar i Kryeministrit, shefi i Protokollit të Kryeministrit, dhe drejtori i kabinetit të zëvendëskryeministrit barazohen në pagë me zëvendësministrin;

- Ndihmësi i Kryeministrit dhe këshilltari i zëvendëskryeministrit barazohen në pagë me nëpunësin civil, të kategorisë I-b;

- Ndihmësi i zëvendëskryeministrit dhe drejtori i kabinetit të ministrit barazohen në pagë me nëpunësin civil, të kategorisë II-a;

- Këshilltari i ministrit dhe zëdhënësi barazohen në pagë me nëpunësin civil, të kategorisë II-b;

- Sekretar i Kryeministrit, Presidentit, Kryetarit të Kuvendit, zëvendësministrit dhe nënkryetarit të Kuvendit

62 500 lekë;

- Sekretar i ministrit, sekretar, sekretar i këshilltarit të Presidentit

50 000 lekë.

Shtesa për vjetërsi në punë për pozicionet “Sekretar i Kryeministrit”, “Sekretar i Presidentit”, “Sekretar i Kryetarit të Kuvendit”, “Sekretar i zëvendëskryeministrit”, “Sekretar i nënkryetarit të Kuvendit”, “Sekretar i ministrit”, “Sekretar” dhe “Sekretar i këshilltarit të Presidentit” jepet në masën 2 për qind pas çdo viti pune, deri në 25 vjet, dhe llogaritet mbi vlerën 11 000 lekë.

Këshilltarët e jashtëm të Kryeministrit dhe të zëvendëskryeministrit përfitojnë pagesë

mujore, deri në 40 për qind të pagës mujore, të këshilltarit të brendshëm. Masa e pagesës përcaktohet nga titullari i institucionit përkatës.

Këto nivele pagash zbatohen edhe për funksionet ekuivalente të administratës së Presidentit, Kuvendit dhe Komisionit Qendror të Zgjedhjeve.”.

2. Efektet financiare, që rrjedhin nga zbatimi i këtij vendimi, të përballohen nga fondet e politikës së pagave, të miratuara për vitin 2008.

Ky vendim hyn në fuqi pas botimit në Fletoren Zyrtare dhe i shtrin efektet financiare nga data 1 korrik 2008.

KRYEMINISTRI
Sali Berisha

LIDHJA NR.1

KLASA	KATEGORITË	PAGA MUJORE			
		PAGA INDIVIDUALE (PAGA BAZË)			SHTESA PËR POZICION
	1	2	3	4	5
		Paga e grupit (PG) lekë	Shtesa vjetore për vjetërsi (SHV), në përqindje	Shtesa për kualifikim (SHK) lekë	Shtesa për pozicion (SHP), lekë
I	I-a	11 000	2%		126 000
	I-b	11 000	2%		114 000
II	II-a	11 000	2%		103 500
	II-b	11 000	2%		86 500
III	III-a	11 000	2%		68 500
	III-a/1	11 000	2%		58 300
	III-b	11 000	2%		51 500
IV	IV-a	11 000	2%		39 000
	IV-b	11 000	2%		29 000

LIDHJA NR.3

KATEGORIZIMI I POZICIONEVE TË PUNËS PËR FUNKSIONET E VEÇANTA NË
KRYEMINISTRI DHE MINISTRITË E LINJËS

INSTITUCIONI	POZICIONI	KATEGORIA E PAGËS
Kryeministria	Jurist në Departamentin e Legjislacionit, Koordinimit& Dokumentacionit	II-b
	Inspektor në Departamentin e Kontrollit të Brendshëm Administrativ&Antikorrupsionit	II-b
	Koordinator në Departamentin e Bashkërendimit të Strategjive&Koordinimit të Ndihmës së Huaj	II-b
	Koordinator në Departamentin e Legalizimit&Formalizimit të Ekonomisë Ekstraligjore	II-b
	Koordinator pranë Sekretarit të Përgjithshëm të	II-b

	Këshillit të Ministrave	
	Koordinator në Departamentin e Informacionit	II-b
	Drejtor i Njesisë së Teknologjisë së Informacionit dhe e-Government	II-a
Ministria e Punëve të Jashtme	Përfaqësues ligjor i zyrës së përfaqësuesit ligjor	II-b
	Drejtor i Institutit të Diasporës	II-b
Ministria e Mjedisit, Pyjeve dhe Administrimit të Ujërave	Kryeinspektor i Inspektoratit të Mjedisit	III-a
	Inspektor në Inspektoratin e Mjedisit	III-b
Ministria e Drejtësisë	Inspektor në Drejtorinë e Inspektimit Gjyqësor	III-a
Ministria e Brendshme	Drejtor i Njesisë Antitrafik	II-a
	Drejtor i Njesisë së Zhvillimit të Prokurimeve të Përqendruara	II-a
	Koordinator në Departamentin e Administratës Publike	III-a
	Inspektor në Drejtorinë e Përgjithshme të Inspektimit	III-a
	Koordinator në Njësinë Antitrafik	III-a
	Koordinator në Njësinë e Zhvillimit të Prokurimeve të Përqendruara	III-a
Ministritë e linjës	Inspektor në Drejtoritë e Auditimit të Brendshëm apo në sektorët e auditimit të brendshëm	III-a
		III-b